

報日環循

曆一千八百八十四年十月廿二日

鐵

啟者茲汕頭金源泰艇夥內等
志圖別業愿將艇項與省城榮
合富隆承受全船議實價銀一
千二百圓七一兌經以七月初
十日交易清訖該艇價由榮合
富隆改名往各港倘日後生意
盈虧概與舊人金源泰無涉特
此聲明以免後論
光緒十年七月廿三日
汕頭金源泰艇謹啟

法帥拿問美國紐約地方接英京八月三十號額外電音云現聞法京巴黎士明白表出駐越之美律元帥此次回國實係革職拿問並非因病告假蓋因該帥在東京統管軍務辦理不善任意妄爲弗稱厥職故暫以總兵布理利署理其任然推其故則實緣諒山之役法國臣工自知其過因而歸怨美律行爲不端擅准兵士攻打諒山棄約背盟固無怪中國之拒之以兵也蓋中法兩國雖在天津立有和約而中國官場尚未有文書移知該處員弁如期退兵而美律則挾勢恃強妄欲強駐守諒山之官軍卽日撤去華官不允遂卽以戎衣相見其無理固已極矣雖今日者美律自知其過引罪不遑而法國雄強一朝盡失而且中朝和議又難挽回庸臣誤國是誰之罪歟此法廷所以不得不將美律撤調回國也但當廷問之時美律初猶欲以其咎歸於總兵尼格里也謂是役也固伊特遣偏將視展調兵往攻者也迨以訖無證據又欲談諸視展以卸其肩究之法廷偏不之信故現將是案姑且按下云○字林報論中法事 夫中國不肯償法國分文兵費之志業已百折而不撓矣中國以爲諒山一役費非我開歐洲各日報亦皆以爲然當其未明之先曾

此新開紙由香港歌賦街第五約門牌第三十九號中華印務局王韜刊印